



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

3 De diuisione sacrificij.

[urn:nbn:de:hbz:466:1-72459](#)

cis, & sacrificium Melchisedech prefigurabat sacrificium Eucharistiae. & omnia sacrificia veteris legis prefigabant oblationem Crucis vel Eucharistiae, & valde credibile est, nullū sacrificium instinctu diutino fuisse oblatum in lege naturae, quod tamē significatiōnem allegoricam non habuerit: omnia enim erant vmbrae Christum obscurē insinuantes, & mentes hominum ad illum excitantes. hæc tamen significatio non pertinet ad rationem sacrificij ut sacrificium est. Vnde non fuisset, si Adam innocentiam conseruasset. Potest tamen dici pertinere ad sacrificium, ut est propria huius vel illius status cérémonia, sed vberior horum tractatio alium locum postulat.

²⁰ Dices, Ethnici etiam diis inferioribus, à quibus certa dumtaxat beneficia exspectabant, qui que aliis subiecti erant, sacrificium offerebant, vt Cereri, Mineruæ, Plutoni, & alijs huiusmodi: ergo non solum supremum principatum sacrificio testamur.

Respondeo, Ethnici in sua Religione suoque cultu multa & pugnantia inuoluebant: putabant enim diuinitatem esse in multa partam, eaque partes non esse eiusdem dignitatis & gradus, in omnibus tamen sacrificio colendam: qua in re partim errabant, partim verum iudicabant: etiū enim absurdissimum sit diuinitatem in partes secare, tamen generatim verum est omnem diuinitatem sacrificio esse dignam.

DVBITATIO III.

De divisione Sacrificij.

²¹ Tibus modis diuidi potest. Primo, Ratio-
ne materia; nam materia vel erat animal ali-
quod, vel erat res inanima, eaque vel solida vel
liquida. Sacrificium animalis dicitur victimā vel
hostia. Vnde hæc nomina ducta, Grammaticos
confuse. Oblatio rei inanimæ solidæ vocatur im-
molatio; quamvis hoc nomen etiam ad omne sa-
crificium extēdatur. Oblatio rei liquida, libamen.

Vbi aduertere, libamina & immolations esse sa-
crificia imperfectiora, quām victimas: vnde apud
Gentiles etiam diis minitoribus siebant; quibus
tamen victimas non offerebant, sed ordinariè tan-
tum duodecim diis maioribus. Porro in veteri le-
ge victimā solū constabat animalibus mundis
isti, oue, capra, hædo, boue, vitulo, columba,
passere, turture: neque aliud genus licitum erat
sacrificare. Res autem inanimæ solidæ, quæ offe-
rebantur in sacrificio, erant panis, simila, sal,
thus, manipulus spicarum virantium, & triticum.
Pater Leuit. 2. & 6. Hæc leuabant sacerdos in altum,
varieque conficiebat & immutabat; in qua im-
mutatione consistebat ratio sacrificij: nam panis
in frusta dissecabatur; simila, sartagine, clibano,
vel craticula coquebatur; sal vrebatur; thus adobe-
batur; manipulus spicarum torrebatur; triti-
cum conterebatur. Liquidae erant, sanguis, vinum,
oleum, aqua. hæc effusione offerebantur.

Secundo, Diuidi potest partim ex forma, par-
tim ex fine, in holocaustum, sacrificium pro peccato,
& hostiam pacificam. Holocaustum erat sacrificium
perfectissimum; quia in eo tota res in fumum re-
soluta, fumum ad Deum ascendebat, nihilque ex
eo vobis cedebat humanis. vnde expressius per
hoc significabatur omnia ipsius esse, & ab ipso

prouenire. quare potissimum ad hunc finem fe-
bat; quamvis etiam interdum fieret pro peccato
populi & sacerdotum.

Sacrificium pro peccato partim cremabatur, par-
tim cedebat in vnum sacerdotum, qui in atrio ²² templi ex eo vescebantur. Offerebatur non pro
peccatis internis, sed pro externis quibusdam, vt
pro peccatis commissis per ignoranciam circa ca-
rimonias; vt patet Leuit. 4. & 5. Item furti, per-
iuri, calumniæ; vt patet ex cap. 6. 7.

Notandum autem est, hoc genus sacrificij ab
Hebreis vocari Chattat, quæ vox etiam peccatum
significat. Vnde Apostolus eleganter ad Hebream
vocabem respiciens dixit, ad Rom. 8. De peccato dam-
nauit peccatum; quasi dicat, De chattat damnauit
chattat, id est, per sacrificium Crucis, quod erat
pro peccato, delectu peccatum. & 2. ad Cor. 5.
Eum, qui non nouerat peccatum, pro nobis peccatum
fecit; id est, hostiam peccati constituit.

²³ Hostia pacifica partim cremabatur, partim ede-
batur, tun à sacerdotibus, tun ab ijs qui obtule-
rant. Offerebatur vel in gratiarum actionem pro
beneficijs acceptis; & tunc eodem die comedie-
batur: vel ad noua beneficia impetranda, & tunc
differri poterat eius consumptio in diem poste-
rum, non tamen vltcriū.

Tertiò diuidi potest ex fine in λατρευτὸν, εὐχαριστίαν, impreatorum & propitiatorium. quæ di-
uisio parum differt à priore. λατρευτὸν dicitur
quod solū fit ad Deum colendum, eiusq; prin-
cipiatu & nostram seruitutem testandam. hoc po-
tissimum fit holocausto. Εὐχαριστία dicitur, quod
fit in gratiarum actionem pro beneficijs acceptis.
Impreatorum pro beneficiis accipiendis. vtrum-
que dicebatur in veteri lege Hostia pacifica. Propri-
torium siue in asu' est quod offertur pro pec-
catis, & pro peccatorum poenis ac flagelis auxi-
tendis. Hoc idem est quod hostia pro peccato.

DVBITATIO IV.

Vtrum hoc tempore licitum sit offerre
agnum vel vitulum.

²⁴ VIdetur id esse licitum: nam offerre sacri-
ficiū est legis naturæ; vt docet D. Thomas
cum Caiet. art. 1. & 4. vnde etiam in statu nudæ
naturæ fuissent sacerdotes & sacrificia. fuisse e-
nīm cultus externus, quo Deum tamquam totius
naturæ conditorem & Dominum fuissent vene-
rati; qui cultus potissimum consistit in sacrificio.
Relp. & Dico Primo, Fore superstitionem si
Christianus vel Iudeus huiusmodi sacrificium
offerat.

De Iudeo patet, quia apud Iudeos hæc sacri-
ficia cōtinent in se protestationem Christi venturi:
offerunt enim illa vt à Deo in veteri lege institu-
ta, sic autem sunt signa Christi venturi, abolita
per Christi mortem, & sacrificium nouæ legis.

De Christiano probatur Primo, Quia in Ec-
clesia tantum est vnicum, verum, & propriè di-
ctum sacrificium, quod omnibus veteribus sacri-
ficijs successit, vt passim docent Patres. Vnde in ²⁵
Collecta Ecclesie dicitur, Deus, qui legalium dif-
ferentiam hostiarum, vnius sacrificij perfectione san-
xit. Sic D. Augustinus lib. 8. de ciuit. cap. vlt.
probat, epulas illas, quæ à quibusdam sepulchris
Martyrum solente imponi, non esse sacrificia
Marty-

^{Quibus}
rebus con-
stabant.

²² 2. Diuisio-
ne
ratione
forma.
Holocau-
stum.